

НОАГИЙН ХӨВӨГЧ АВДАР БОЛОН ИХ ҮЕРИЙН ТУХАЙ НУУЦ

Р.Ганболд - МУИС-ийн Шашин судлалын тэнхимийн докторант

О.Чимэг - МУИС-ийн Шашин судлалын тэнхимийн багш, дэд профессор

Түлхүүр үг: Библи, Их үер, Ноагийн хөвөгч авдар, Арарат уул, Ноагийн гэр бүл.

Товч утга: Ноагийн хөвөгч авдар болон Их үер бол яах аргагүй хүн төрөлхтөний түүхэн дэх хамгийн алдартай үйл явдлуудын нэг билээ. Олон хүмүүс үүнийг эртний үлгэр домог төдийхнөөр төсөөлдөг. Библи бол ертөнцийн үүсэл гарлыг Бүтээгч Эзэний үзэл баримтлалын үүднээс өгүүлсэн ном юм. Тэр ч утгаараа Ноагийн хөвөгч авдар болон их үерийн тухай "Ариун Библид" бас нилээд дэлгэрэнгүй тэмдэглэсэн байдаг. "Ариун Библи" нь хэдийгээр шашны ном судар боловч, маш олон эрдэмтэн "Ариун Библи"-д бичиж тэмдэглэсэн зүйлс нь хүн төрөлхтний түүхийн нэг хэсэг гэж үздэг.

1.Ноагийн хөвөгч авдрын хэмжээ. Библийн Эхлэл 6-ийн 15 дахь ишлэлд *"Хөвөгч авдрын урт нь гурван зуун тохой, өргөн нь тавин тохой, өндөр нь гучин тохой байна."* гэжээ. Хөвөгч авдар нь 300 тохой (136.8 м) урт, 50 тохой (22.8 м) өргөн, 30 тохой (13.68 м) өндөр том хөлөг онгоц байсан. Хөвөгч авдарны багтаамж нь ойролцоогоор 32,800 тонн гэж үздэг. (Whielaw) Олон эрдэмтэд авдар ийм хэмжээний багтаамжтай байсан Бүтээгч Эзэний Ноа болон түүний гэр бүлд зааварласан төрөл бүрийн амьтдын жилийн хоол хүнсийг агуулахад хангалттай гэдэг. Энэ нь 1000 жилийн түүхтэй Английн хөлөг онгоцны үйлдвэрт бүтээсэн Грейт Баритоны хөлөгтэй адил хэмжээтэй гэдэг нь тодорхой болсон байна. Хөвөгч авдарны бүтэц өнөөгийн шинжлэх ухааны арга барилаар усан онгоц үйлдвэрлэгчдийг гайхшруулсаар байна.

Хөвөгч авдарны зураг төслийг Бүтээгч Эзэн зохиосон гэж үздэг. Хөвөгч авдрын хэмжээсүүдэд орчин үеийн хүний үнэмшлийг төрүүлэх хоёр зүйл байна: эхнийх нь, харьцааны хувьд энэ нь орчин үеийн тээврийн хөлөг онгоцнуудын харьцаатай адил. Хоёрдугаарт, модоор бүтээсэн хөлөг онгоц боловч хэмжээний хувьд хангалттай том байжээ. Дээр дурдсан тохойгоор (cubit) өгөгдсөн хэмжээс нь бидэнд бодит хэмжээнийх нь талаар тодорхой ойлголт өгч байна.¹⁶²

Өрнөдөд, модон хөлөг онгоцыг хэзээ ч 100 метрээс уртаар хийж байгаагүй бөгөөд эртний Грекчүүд ойролцоогоор 2000 жилийн тэртээд ийм хэмжээтэй хөлөг онгоц бүтээж байсан байна. Хятадад 1400-аад оны үед хөвөгч авдрын хэмжээнд дөхөж очихуйц аварга хөлөг онгоцнуудыг хийж байжээ. Өнөөгийн дунд хэрийн ачааны хөлөг онгоцны хэмжээтэй Библийн энэхүү хөвөгч авдар бол бүх цаг үеийн хамгийн том модон хөлөг онгоцнуудын нэг байсан.

2. Ноа хөвөгч авдрыг хэрхэн бүтээсэн тухай. Библи бидэнд Ноа болон түүний хөвгүүд хэдүүлхнээ хөвөгч авдрыг барьсан гэж хэлдэггүй. Ноа хөлгийг барихдаа чадварлаг ажилчдыг хөлсөлсөн ч юм уу, эсвэл Метусела, Ламех зэрэг хамаатнуудаа дайчилсан байж болох юм. Хэдий тийм ч тухайн үед хөвөгч авдрыг тэднийг өөрсдөө бариагүй гэх ч юм уу, эсвэл барих боломжгүй байсан гэж дүгнэх үндэслэл бас байхгүй юм.

¹⁶² Тохойн хэмжээс нь хүний гарын тохойноос хурууны үзүүр хүртэлх уртын хэмжээс юм. Эртний тохойн хэмжээсүүд нь 45 см-аас 56 см-ийн хооронд хэлбэлздэг бөгөөд эртний барилга байгууламжуудад ихэвчлэн урт хэмжээсийг нь зонхилон хэрэглэдэг байжээ. Гэвч энд үүнийг эс тооцон хөлөг онгоцны хэмжээг тодруулахдаа 46 см-ийн уртаар тохойн хэмжээсийг авч хэрэглэлээ.

Ноагийн үеийн хүмүүсийн тамир тэнхээ, сэтгэн бодох чадвар нь өнөөгийн биднийхээс огт дутахааргүй буюу бүр илүү байжээ.¹⁶³ Тиймээс тэд мод сонголт, огтлолын тал дээр, түүнчлэн хэрэгцээт гуалин, хавтангуудаа их хэмжээгээр нь цагаалах, тээвэрлэх, боловсруулах, зохион бүтээх зэрэг тал дээр үр ашигтай арга хэрэглэж байсан байх бүрэн боломжтой.

Өнөөдөр томоохон байшинг (house) 1-2 хүн ердөө л 12 долоо хоногийн дотор барьж чадаж байгаа бол 3-4 хүн хэдэн жилийн туршид хэр ихийг бүтээж чадах бол? Адамын үр удмынхан хөгжмийн зэмсгүүдийг иж бүрдлээр нь хийж, метал боловсруулж, хотуудыг барьж босгож байснаас үзвэл тэдний багаж, машин техник нь лав л болхи бүдүүлэг зүйл байгаагүй бололтой.

Түүх бидэнд технологи алдагдсан байж болохыг харуулдаг. Египет, Хятад, Америкт байсан эртний хаант улсуудад уран хийцтэй, боловсронгуй барилгуудыг барьж байсныг, бас урлаг, шинжлэх ухаан нь өндөр хөгжилтэй байсныг олон баримт харуулдаг.

Өнөөдөр орчин үеийн олон технологийн дэвшилтүүд нь эртний технологийг дахин ашигласан шинжтэй байдаг (жишээлбэл, эртний Ромчуудын хэрэглэж байсан цемент г.м.).

Их үерээс хойш байсан технологиуд алдагдсан тухай эдгээр баримтуудаас үзвэл Их үерээс өмнөх соёл иргэншлийн хувьд Ноагийн хөвөгч авдар зэрэг төслүүдийг хэрэгжүүлэх чадвартай инженерчлэлийн ноу-хауг (know-how) эрт цагийн хүмүүс эзэмшиж байсан байх бүрэн боломжтой юм. Египетчүүд боржин чулууг хөрөөдөж, өрөмдөхөөс хэдхэн зуун жилийн өмнөх Ноагийн үеийн хүмүүс мод хөрөөдөж, өрөмдөж байсан байх бүрэн үндэслэлтэй. Эрт дээр үед байсан соёл иргэншлүүд нь бүдүүлэг, болхи байсан гэсэн санаа бол хувьслын онолын л үзэл санаа юм.

Гэвч үнэндээ, Бүтээгч Эзэний бүтээл гэгдэх анхны хүн Адамын үед хүн бол бүрэн төгс бүтээгдэхүүн байлаа. Өнөөдөр хүмүүний түүх оюун санааны гэм нүглийг 6000 жилийн турш хуримтлуулж иржээ. Сүүлийн хэдэн зууны туршид гарсан технологийн сэргэлт бол оюун ухааны өсөлт хөгжлөөс улбаалан бий болсон зүйл биш ээ. Энэ бол өнө удаан хугацаанд хэвлэн нийтэлж, хуваалцаж хуримтлуулсаар ирсэн санаа сэдлүүдийн хуримтлал, гол нээлт ололтуудын тэлэлт бөгөөд энэ хуримтлал нь улмаар үйлдвэрлэл, судалгааны гол багаж хэрэгслэлийг бүрдүүлж ирсэн гэж хэлж болно. Хамгийн сүүлийн үеийн төхөөрөмжүүдийн нэг болох компьютер л гэхэд өмнө нь магадгүй хэзээ ч байгаагүй мэдээлэл хадгалах, мэдээллийн сан бүрдүүлэх үүргээ нотлон харуулснаасаа хойш бидний улам доройтсоор буй оюуны чадавхи болон зохион байгуулах чадварын маань маш чухал нөхөн орлогч маань болсоор байна.

3. Асар олон амьтдыг Ноа цуглуулсан нь. Библийн Эхлэл 6-ийн 20дахь ишлэлд *“Амьд үлдэхийн тулд жигүүртэн шувууд төрөл төрлөөс, адгуус амьтад төрөл төрлөөс, хамаг газраар мөлхөгчид төрөл төрлөөсөө хос хосоороо чамд очих болно.”* гэжээ.

Энэ ишлэл бидэнд Ноа амьтдыг хөлөгт суулгахын тулд алс хол газар уруу хэрэн тэнэж яваагүй гэдгийг хэлж өгдөг. Библийн Эхлэл номын нэгдүгээр бүлгээс үзвэл усан галваас өмнөх дэлхийн газрын зураг өдгөөгийнхөөс тэс өөр байжээ. Магадгүй тухайн үед ердөө л ганцхан тивтэй байсан. Амьтад хөвөгч авдрын зүг “зөн билгийнхээ дуудлага”-аараа (Бүтээгч анхнаас нь амьтдад суулгасан зан авир) өөрсдөө ирсэн.

¹⁶³ Үүний баримтыг Др.Дональд Читтикийн (Dr. Donald Chittick) The Puzzle of Ancient Man (орчуулбал: Эртний хүний нууц С.Б.), Creation Compass, Newberg, Oregon, 1998, Энэ номонд эртний усан галваас өмнөх соёл иргэншлийн үеийн хүний оюуны чадавхийн тухай баримтуудыг дурдсан байгаа.

Энэ бол ер бусын үйл явдал (өнөөгийн бидний ойлголтоор үүнийг магадгүй хэн ч тайлбарлаж чадахгүй) байсан ч гэлээ үүнийг өнөөгийн бидний харж байгаа зарим амьтдын нутаг сэлгэн нүүх гайхалтай зан авиртай харьцуулаад үз дээ. Бурханы бүтээлүүдийн дундах иймэрхүү гайхалтай зан авиртай амьтдыг бид өдий хүртэл хэрхэн яаж ингэж амьдарч байгааг нь тайлбарлаж чадахгүй л байна шүү дээ. Жишээлбэл, нүүдлийн шувуудын гайхамшигт нүүдэл, Хаан эрвээхэйнүүдийн ер бусын нислэгүүд, халим болон загаснуудын жил бүрийн аяллууд, зарим амьтдын ичих зөн билэг (ичээндээ орох), газар хөдлөлтийн мэдрэмж гээд тоочоод байвал тоолж барамгүй тун гайхалтай чадварууд Бүтээгч Эзэний бүтээсэн амьтдад бий.

Бүтээгч Эзэний бүтээлийн түүх (Эхлэл 1, 2-р бүлэгт) бидэнд газар дэлхий дээр хөлхөн хөдлөгч аливаа амьтад бүгд Бүтээлийн долоо хоногийн Адам, Еваг Бүтээгч Эзэний бүтээсэн өдөр болох 6 дахь өдөрт бүтээгдсэн гэдгийг хэлж өгдөг. Тиймээс үлэг гүрвэлүүдийн хувьд ч хүнтэй хамтдаа бүтээгдсэн гэдэг нь тодорхой юм.

Түүнчлэн хөвөгч авдаранд газрын амьтад бүгд хос хосоороо (зарим нь долоо долоогоороо) орсон байна. Усан галваас өмнө газрын амьтдын ямар нэгэн зүйл үерийн үеэр мөхөж үгүй болсон гэх баримт байхгүй. Түүнээс гадна Библийн Иов номын (Иов бол усан галвын дараа амьдарч байсан хүн) 40-р бүлэгт (тодруулбал 15-24-р ишлэлд гардаг, С.Б) гардаг behemoth (Ариун Бичээс Библийн Нийгэмлэгийн 2004 оны Ариун Библийн монгол орчуулганд энэ үгийг буулгахдаа “усны үхэр” хэмээн буулгасан нь төдийлөн оновчтой биш болов уу С.Б) гэж амьтны тодорхойлолтыг үзвэл энэ амьтан нь сауропод үлэг гүрвэлийн (sauropod dinosaur) зүйлийн амьтан байсныг бид харж болно. Энэхүү behemoth ч хөвөгч авдарт орсон¹⁶⁴.

Усан галвын тунадсан дунд баригдаж чулуужсан олон үлэг гүрвэлүүдийг палеонтологичид олдог. Хаа сайгүй байдаг луугийн тухай хууч домгууд ч бидэнд зарим үлэг гүрвэлүүд усан галвыг даван гарч, галав юүлсний дараа ч оршин байсан тухай өөр нэгэн баримт болж байна. Ийнхүү усан галвыг даван гарсан байх цорын ганц боломж бол тэд хөвөгч авдарт орсон байх явдал юм.

Аварга амьтдын төл зулзагуудын хувьд тэд ямар нэгэн байдлаар хэмжээний хувьд асуудал үүсгэдэггүй бөгөөд бага залуу амьтдын хувьд өсөж үржих бүхий л амьдрал нь тэдний өмнө нь хүлээж байдаг билээ. Дийлэнх үлэг гүрвэлүүдийн хувьд тэд бүгд үлэмж том хэмжээтэй байгаагүй. Тэдний зарим нь (хувьслын онолыг баримтлагч олон эрдэмтдийн үздэг шиг тэд шувуудтай ямар нэгэн холбоо байхгүй ч) хэмжээний хувьд тахианы дайтай байсан. Дийлэнх эрдэмтэд үлэг гүрвэлүүдийн дундаж хэмжээ үнэндээ хонины дайтай байсан гэдгийг хүлээн зөвшөөрдөг.

Жишээлбэл, Бурхан Ноаг өсөлт хөгжилт бүрэн гүйцсэн хос сауроподоос илүү бага залуу хос сауроподуудыг (ө.х., апатозаур) авахыг илүүд үзсэн болов уу. Түүнчлэн заан, анааш зэрэг үлэмж биет амьтдын хувьд ч адилхан. Хэдий тийм ч гэлээ нас бие нь бүрэн бойжсон амьтад байлаа ч хөвөгч авдарт хангалттай өрөөнүүд байсан.

Үлэг гүрвэлийн зүйлийн тооны тухайд хэдийгээр хэдэн зуун зүйлийн үлэг гүрвэлүүд олдсон гэж байгаа ч гэлээ үнэндээ яг одоогоор тогтоогдоод байгаагаар 50 орчим зүйлийн үлэг гүрвэлүүд байсныг санах нь зүйтэй.

¹⁶⁴ Үлэг гүрвэлүүдийг саяхныг хүртэл оршин байсан талаар хэд хэдэн баримтуудыг The Great Dinosaur Mystery Solved (орчуулбал: Үлэг гүрвэлүүдийг агуу оньсого тайлагдлаа С.Б.), New Leaf Press, Green Forest, Arkansas, 2000, номоос үзнэ үү.

4. Хөвөгч авдарт Ноа бүх амьтдыг багтаасан нь. Библийн Эхлэл 6-ийн 19 дахь ишлэлд *“Чи өөртэйгөө хамт үлдээхийн тулд мах цустай амьтан бүхнээс эр, эмийг хос хосоор нь хөвөгч авдарт аваачиж оруул.” (Эхлэл 6:19) гэжээ.*

Бүтээлийн онолч, судлаач Жон Вүүдморappe (John Woodmorappe) Noah's Ark: A Feasibility Study ¹⁶⁵ (орчуулбал, Ноагийн хөвөгч авдар: Боломжит байдлын судалгаа) хэмээх номондоо Бүтээгч Эзэн хөвөгч авдарт ихдээ л 16000 толгой амьтныг аврахаар оруулсан хэмээн дурдсан байдаг.

Хөвөгч авдарт бүх төрөл зүйлийн амьтдыг оруулах шаардлагагүй байсан. Тэгээд ч Бүтээгч Эзэн тийнхүү тушаагаагүй. Хөвөгч авдарт амин амьсгалтай, газар дэлхий дээр хөлхөн хөдлөгч амьтад, мөлхөгчид хийгээд далавчит амьтад болох шувуудыг л авч оруулсан. Усны амьтад (загас, халим гэх мэт) болон олон төрлийн хоёр нутагтангууд хөвөгч авдраас гадна байсан ч хангалттай тоо хэмжээгээр амьд гарч чадсан. Энэ нь хөлөгт орох хэрэгцээт нийт амьтдын тоог мэдэгдэхүйц багасгаж өгчээ.

Хэрэгцээт орон зайг багасгаж өгсөн нэгэн чухал хүчин зүйл бол Ноагийн өдрүүдэд амьтдын төрөл зүйл нь өнөөдрийнх шиг олон байсангүй. Дэлхий дээр цаашид үржин олшрох эдгээр зүйл амьтдын зөвхөн өвөг амьтад нь л хосоороо хөлөгт орох шаардлагатай байсан¹⁶⁶. Жишээлбэл, өнөөгийн нохойн олон зүйлүүд өсөн үржихэд зөвхөн эр, эм хоёр нохой л хэрэгтэй байжээ.

Бүтээлийн онолчид хөвөгч авдарт орох шаардлагатай байсан амьтдын тоо нь хамгийн ихдээ л хэдхэн мянгаас 35000-ын хооронд хэлбэлзэж байсан гэж тооцдог

Дээр дурдсанчлан, Ноа үлэмж том амьтдыг хөвөгч авдартаа оруулаагүй болов уу. Түүний оронд усан галвын дараа өсөж үржихийн тулд тэдгээр амьтдын төл зулзагуудыг авч оруулсан байх. Тэдгээр бага залуу амьтад бага зай, бага хоол тэжээл шаардахын зэрэгцээ бага хэмжээгээр бохирдлыг үүсгэдэг.

Уламжлалт тооцооллын дагуу хөвөгч авдарт тохойн хэмжээсийг багаар буюу 18 инч (46 см) байхаар тооцоод Вүүдморappeгийн хийсэн дүгнэлт нь: “Хөвөгч авдрын гурван тавцангийн нийт талбайн талаас бага хувийг л амьтад болон тэдний хашаа хороонд зориулсан байна”¹⁶⁷ гэжээ. Энэ нь хөвөгч авдарт цэвэр ус, хоол хүнс хийгээд хүмүүст зориулах зай хангалттай байсан гэсэн үг юм.

5. Ноа бүх амьтдыг тэжээсэн нь. Бүтээгч Эзэн энэхүү ер бусын үйл явдалд амьтдыг урьдаас бэлдэж байсан нь гарцаагүй бөгөөд тиймдээ ч тэднийг Ноа уруу ямар нэгэн “онцгой тэнгэрлэг” аргаар авчирсан нь ойлгомжтой. Бүтээлийн онолчид үзэхдээ Бүтээгч Эзэн амьтдыг тэр үед хөвөгч авдарт оруулаад, тэндээ ичээлэхэд хүргэсэн гэж үздэг. Иймэрхүү үзэгдлийг бид өнөөдөр ч олонтаа хардаг шүү дээ. Ихэнх амьтад байгалийн аливаа гамшиг тохиолдоход өөрсдийгөө хамгаалах, гамшгаас зугтах дархлаа өгөгдсөн

¹⁶⁵ J. Woodmorappe, Noah's Ark: A Feasibility Study, Institute for Creation Research, Santee, California, 2003.

¹⁶⁶ Нэгэн жишээ: өнөөдөр бяцхан пүүдлээс эхлээд Монгол банхрыг хүртэл анхны өвөг нохойн “төрөл”-ийн (энэ төрөлд чоно, зэрлэг нохой зэрэг ч багтана) үр удам нь болох 200 гаран үүлдрийн нохой байна. Муурын төрөл, адууны төрөл, үхрийн төрөл гэх мэтээр бусад амьтны төрлийн хувьд ч байгалийн болон селекции замаар үржилд орсны үр дүнд өнөөдөр гайхамшигтай олон зүйлийн амьтад бий болжээ. Бүтээгч Эзэн бүх төрлийн амьтдын болон хүний ч генийн кодонд энэхүү олон төрөл зүйлийн түлхүүрийг “програмчилж” өгсөн юм! Түүнчлэн Бүтээгч Эзэн өөр өөр төрлийн амьтад хоорондоо үржилд орж, өсөн үржих боломжгүй болгосон юм. Жишээлбэл, нохой, муур хоёр хоорондоо үржилд орж шинэ төрлийн амьтныг үүсгэж чадахгүй. Энэ бол Бүтээгч Эзэн бүтээсэн зохицол бөгөөд энэ ганцхан баримт л гэхэд хувьслын онол бол боломжгүй зүйл гэдгийг баталж байгаа юм.

¹⁶⁷ Woodmorappe, Noah's Ark: A Feasibility Study, 16.

байдаг. Бүтээгч Эзэн тэнгэрлэг нөлөөллийг авсан олон амьтад тэр үед ичээлсэн байх нь илүү магадлал өндөртэй.

Энэ нь тэнгэрлэг нөлөөллийн улмаас болсон ч бай, эсвэл зүгээр л харанхуй орчин болон хөвөгч авдрын бүүвэйлэх мэт дайвалзах хөдөлгөөнд хариу үзүүлэх төрөлхийн үйлдлээсээ ч болсон бай бидэнд тодорхой мэдэгдэж буй зүйл бол Эхлэл 6:14-д Бүтээгч Эзэн Ноад тасалгаануудыг (еврей хэлээр “gen” буюу “үүр”-үүд гэж бичигдсэн байдаг) гарга гэж хэлсэн гэдэг нь амьтад тэнд номхон байсан буюу үүрлэсэн байсан гэдгийг илэрхийлж байна. Эхлэл 6:21-ийг үзвэл Бүтээгч Эзэн мөн Ноад “тэдэнд зориулж хоол хүнс авч хадгал” гэсэн нь тэд бас бүтэн жилийн турш унтаа байгаагүй гэдгийг илэрхийлдэг.

Хэрвээ бид барьж босгосных нь дараа хөвөгч авдар дээр очиж үзсэнсэн бол хөлгийн цэвэр ус, хүнсний хадгалалт болон түгээлтийн ухаалаг системийг нь хараад алмайран гайхах байсан нь лавтай. Noah’s Ark: A Feasibility Study¹⁶⁸ хэмээх номондоо Вүүдморappe үүнийг тайлбарлахдаа өнөөгийн хэдхэн малчид (фермерүүд) маш бага зайд мянга мянган үхрийг (бусад амьтдыг ч мөн адил) өсгөж чадна гэдгийн жишээ авчээ. Ингэж бодвол, хөвөгч авдар дотор цөөхөн хэдхэн хүмүүс тэдгээр мянга мянган амьтдын хоол унд, хүнс тэжээлийг нь өгч, хог ялгадсыг нь гадагшлуулахад шаардлагатай янз бүрийн багаж хэрэгслүүд хэнд ч бодогдох буй за..

Вүүдморappeгийн дурдсанчлан найман хүн 16,000 амьтныг тэжээхэд ямар ч тусгай төхөөрөмж хэрэг байсангүй. Хэрэв тийм төхөөрөмжүүд байсансан бол тэдгээр нь хаанаас эрчим хүчээ авах вэ? Хэд хэдэн боломж бий л дээ. Татах хүчний нөлөөгөөр мал услах систем ч юм уу, салхийг юм уу, давалгааны хөдөлгөөнийг ашигласан агааржуулах систем ч юм уу, эсвэл амьтдыг хооллохын тулд өвс тэжээлийг нь өгдөг томоохон өгөлтийн систем зэргийн талаар яривал юу гэхэв? Эдгээрийн аль нь ч тэр үед оршин байсан эртний соёл иргэншлүүдийн хэрэглэж байснаас илүү өндөр технологи биш ээ. Тэгээд ч Ноагийн амьдарч байсан галав юүлэхээс өмнөх эдгээр соёл иргэншлүүдийн ур чадвар, нөөц бололцоо, чадавхи нь нилээд өндөр байсан мэт ажиглагддаг.

6.Усан галав бүх амьтдыг устгасан нь. Библийн Эхлэл 7 бүлгийн 21-22 ишлэлд *“Газар дэлхий дээр хөдлөгч хамаг амьтан: жигүүртэн шувуу, мал адгуус, ан араатан, газраар мөлхөгч бүхэн хийгээд бүх хүн төрөлхтөн үхжээ. Хуурай газар дээрх хамартаа амин сүнсний амьсгаатай бүхэн үхэв.”* гэжээ.

Ноагийн усан галав бол урьд өмнө болж байсан 40 хоногийн ямар ч далайн болон усан шуурганаас хол давуу сүйтгэх хүч чадалтай байсан. Бичээст өгүүлэхдээ “газрын гүний бүх булаг асар ихээр оргилж, тэнгэрийн усны хаалт нээгджээ” хэмээдэг. Өөрөөр хэлбэл, газар хөдлөлтүүд болж, галт уулууд дэлбэрч, газрын гүнээс хайлмаг лав болон буцлам халуун ус газрын хэвлий дээр гэнэт оргилон гарч гэнэтийн сүйрэл болсон гэсэн үг юм. Эдгээр бүх булаг ундаргууд 150 өдрийн турш буюу таван сарын турш, бүх дэлхий үерийн усанд бүрэн автах хүртэл огт зогсолтгүй ундарсаар байсан. Усан галав үргэлжлэх хугацаа цаашид үргэлжилсэн бөгөөд Ноа болон түүний гэрийнхэн жил гаран хөвөгч авдартаа байрласан билээ¹⁶⁹.

Үүнтэй төстэй орон нутгийн үерүүд, галт уулын дэлбэрэлтүүд, газар хөдлөлтүүд газар нутгийг болон тэр нутагт байсан амьд амьтдыг бүрэн сүйтгэдэг. Гэхдээ эдгээр нь

¹⁶⁸ Woodmorappe-гийн Noah’s Ark: A Feasibility Study номын энэ талын судалгааны хэсгээс авсан.

¹⁶⁹ Hong, et al., Safety Investigation of Noah’s Ark in a seaway, *TJ* 8(1):26–36, April 1994. www.answersingenesis.org/tj/v8/i1/noah.asp

“ертөнц усан галавт автаж, устгагдсан” (2 Петр 3:6) бүх дэлхийн сүйрлийн дэргэд өчүүхэн зүйлс юм. Хөвөгч авдарт ороогүй бүх хүмүүс, бүх газрын амьтад бүгд усан галавт гэнэт сүйтгэгдсэн. Үүний ул мөр болох чулуужин хадгалагдан (лаазалж хадгалсан мэт) үлдсэн хэдэн тэрбум амьтдыг бид өнөөдөр харж байна.¹⁷⁰

7.Ноагийн усан галав бүх дэлхийг хамарсан. Библийн Эхлэл 7 бүлгийн 21-22 ишлэлд “Газар дэлхий дээрх ус улам хүчтэй хальж, тэнгэрийн доорх өндөр уулс бүгд усаар бүрхэгджээ. Ус арван таван тохой дээш өргөгдөж, уулс усаар бүрхэгджээ.” гэжээ

Өнөөдөр олон хүмүүс Ноагийн үеийн усан галав бол зөвхөн бүс нутгийн үер байсан гэж ярьдаг. Эдгээр хүмүүс чулуун давхаргууд дэлхийн сая сая жилийн насжилтаас үүдсэн давхаргууд хэмээн тайлбарладаг эх дэлхийн түүхийн хувьслын онолыг нийтдээ хүлээн зөвшөөрдөг учир ийнхүү бүс нутгийн үер байсан гэж итгэдэг аж.¹⁷¹

Хэрвээ усан галав зөвхөн бүс нутгийнх байсан гэвэл ус нь яаж уулсын дээгүүр 15 тохой хальж байсан байхав (Эхлэл 7:20) Ус үргэлж л өөрийнхөө түвшинг тогтоохыг эрмэлзэж байдаг. Ус зөвхөн нэгэн хэсэг уулыг л бүрхээд ертөнцийн бусад хэсэгт хүрээгүй байж таарахгүй.

Эрдэмтэд чулуун давхаргууд усаар зөөгдөж ирсэн шаварлаг хийгээд элсний тунадасуудыг агуулж буйг нэгэнт хүлээн зөвшөөрдөг болсон. Мэдээж энэ бол усан галвын үр дүн. Гэвч тэд бүх дэлхийг хамарсан усан галвын энэ нотолгоог өөрсдийнхөө санаагаар чулуун давхаргуудад агуулагдаж буй олон сая жилийн хуримтлал хэмээн одоо ч тайлбарласаар л байна. Тиймээс олон Христэд итгэгчид үүнд буулт хийн Библид өгүүлсэн бүх дэлхийн усан галав нь бүс нутгийн үер байсан гэж үзэх болжээ.

Хувьслын онолчид бүх дэлхийг хамарсан усан галав байсан байх боломжит байдлыг огт хайхардаггүй. Хэрэв тэд Библид өгүүлснийг бодож үзвэл тэд бүх дэлхийг хамарсан усан галвын талаар хангалттай олон баримтуудыг олж харах болно. Нэгэн хүн “Хэрэв би үүнд итгэхгүй бол би үүнийг харахгүй” хэмээн хошигносон байдаг даа.

Чулуулгийн насжилтын талаарх хувьслын онол болон хувьслын цаг тооллыг хүлээн зөвшөөрдөг тэдгээр Христэд итгэгчдийн хувьд үүгээрээ Адамын уналт хийгээд үүний ноцтой үр дагаврыг үл хэрэгсэж байгаа хэрэг болно. Ингэснээрээ тэд Адам, Ева хоёр нүгэл үйлдсэнээр ертөнцөд үхэл хийгээд зовлон орж ирэхээс ч өмнө өвчин, зовлон хийгээд үхэл байсан гэж өөрсдөө батлан хэлж байгаа хэрэг болох нь. Тэгвэл улмаар Христийн үхэл болон амилалтын утга учрыг ч тэд утгагүй зүйл хэмээн үзэж буй хэрэг юм. Энэ байдал нь мөн бүх бүтээлээ бүтээж дууссанахаа дараа Бүтээгч Эзэн тэднийгээ хараад “нэн сайхан” гэж дүгнэснийг утгагүй зүйл болгож байгаа хэрэг болно.

Өнөөгийн Эверестийн оргил хүртэл нэгэн цагт усаар бүрхэгдэж байсан бөгөөд түүний дараа эдгээр уулс дээш өргөгдсөн юм.¹⁷² Хэрвээ бид далайн сав газрыг уулстай

¹⁷⁰ Seok Won Hong, Warm greetings from the Director-General of MOERI (former KRISO), Director-General of MOERI/KORDI, www.moeri.re.kr/eng/about/about.htm

¹⁷¹ Дэлхий хэдэн тэрбум жилийн настай биш гэсэн хөдөлшгүй баримтуудыг Др.Жон Моррисын (Dr. John Morris) The Young Earth болон Др. Дон ДеЙонгийн (Dr. Don DeYoung) Thousands ...not Billions зэрэг бүтээлүүдээс үзээрэй.

¹⁷² Эверестийн оргил л гэхэд 8 км-ээс ч өндөр. Тэгвэл “тэнгэрийн доорх бүх уулс”-ыг усан галвын ус хэрхэн бүрхсэн байх вэ? Усан галваас өмнө уулс тийм ч өндөр байсангүй. Өнөөгийн уулс маань усан галвын эцэст буюу дараа нь тектоникийн хөдөлгөөний үр дүнд үүсэн бий болсон юм. Үүнтэй

тэгшитгэлээ гэж бодвол бүх дэлхийг 2,7 км-ийн гүнтэйгээр бүрхэн халих хэмжээний ус далайд бий.¹⁷³ Бас энд далайн болон уулсын түвшинтэй зэрэгцүүлэн цохон тэмдэглэх ёстой нэг чухал зүйл нь хүчилтөрөгчийн баг зэрэг тусгай төхөөрөмжгүйгээр хөвөгч авдар өнөөгийн Эверестийн оргилын дээгүүр хөвөн явах боломжгүй юм.

Үүгээр ч зогсохгүй, хэрэв усан галав бүс нутгийн галав байсан бол Бүтээгч Эзэн газар дэлхий дээр дахин ийм усан галав буулгахгүй гэсэн Өөрийн амлалтаа удаа дараалан зөрчиж галвуудыг буулгаж байсан болох нь. Ингэж усаар бүх дэлхийг ахин устгахгүй гэж хүн болон амьтадтай хийсэн гэрээнийхээ тэмдэг болгож Бүтээгч Эзэн солонгыг бий болгосон. Гэтэл саяхны жишээг татсан ч маш олон орон нутгийн үерүүд (жишээлбэл, Бангладешт болсон явдлыг энд дурьдаж болно) болсон боловч харин тэр цагаас хойш өнөөг хүртэл бүх дэлхийг хамарсан усан галав дахиж болоогүй.

8. Ноагийн хөвөгч авдарын бүтэц. Библийн Эхлэл 6-ийн 14-16дахь ишлэлд ¹⁴“Чи хуш модоор өөртөө хөвөгч авдар хийж, түүн дотроо тасалгаанууд гаргаж, дотор гадаргүй давирхай түрх. ¹⁵Чи үүнийг яаж хийх вэ гэвэл, хөвөгч авдарын урт нь гурван зуун тохой, өргөн нь тавин тохой, өндөр нь гучин тохой байна. ¹⁶Хөвөгч авдартаа гэгээвч хийхдээ авдарын оройгоос нэг тохойн дотор хийнэ. Бас хөвөгч авдарын хажуу талд хаалга гаргана. Чи авдрыг дээд, дунд, доод давхар бүхий хийнэ” гэжээ.

Бүтээгч Эзэн Ноад илчилсэн хөвөгч авдарны материал нь хуш мод байлаа. Хуш модыг эртний Александр хаан туйлын хүчирхэг усан цэргийн флотоо байгуулахдаа ашигласан гэдэг. Одоо Ромын Ватиканд байдаг гэгээн Петрийн сүмийг ч хуш модоор хийжээ. Хуш нь 1000 жил өнгөрсөн ч ялзарч муудахгүй бат бөх мод юм.

Ноаг хуш модоор хөвөгч авдар хийхдээ давирхай түрхэн үерийн уснаас хамгаалах арга хэмжээ авахыг Бүтээгч Эзэн тушаажээ. Давирхайг эртнээс наалдах, барьцалдуулах материал болгон ашигладаг байлаа. Вавилоны ойролцоох Медиа бэхлэлтийн балгаснаас одоо хүртэл давирхай олддог. Бүтээгч Эзэн энэ тушаал нь усан дээр хөвөх ёстой хөвөгч авдарны бүрэн аюулгүй байдлыг хэлж байна.

9. Ноагийн хөвөгч авдар *Арарат уулан* дээр байгаа. Библийн Эхлэл 8-ийн 4 дахь ишлэлд *“Долдугаар сарын арван долооны өдөр онгоц Арарат уулан дээр тогтов.”* гэжээ.

Дорнод Туркийн Анатолийн эргийн хавьд, Иран Армянтай хиллэдэг газраас холгүйхэн оршдог мөнх цаст нэгэн оргил байдаг нь Арарат юм. 5165 м өргөгдсөн энэхүү оргил нь хамгийн өндөр уулстай зэрэгцэхгүй ч гэсэн манай дэлхийн алдарт оргилуудын нэгд зүй ёсоор тооцогддог байна. Энд сонирхуулах зүйл бол энэхүү уулын оргилд байдаг нэгэн хөлөг онгоцны тухай юм. Анх энэ мэдээг Библи сударт уг хөлөг онгоцны байршлын талаар "Ноагийн хөлөг онгоц Арарат ууланд зогссон" хэмээн тэмдэглэгдсэн байдаг. 1800 оноос эхлэн уулчид өндөр, талбайн хэмжих хэрэгсэл болон гэрэл зургийн аппараттай уг хөлөг онгоцыг судлахаар Арарат ууланд очих болсон гэдэг. Гэвч Ноагийн хөлөг онгоцыг эрэл хайгуулчид олоогүй боловч том хөлөг онгоц маягийн зүйлийг илрүүлж, мөс болон уулын оргил орчимд мөсөөр хучигдсан багана хэлбэрийн хүний гараар бий болсон модон банз байхыг олжээ. Харин сүүлийн 200 жилд олон арван судлаачид Арарат ууланд авирч том хөлөг онгоц байхыг ойртон харсан бөгөөд түүний ихэнхи хэсэг нь цэвдгийн мөсөн доор байгааг илрүүлсэн гэдэг. Мод, төмөр, зэс, тоосго зэрэг барилгын материал цагийн урсгалын эрхээр устаж үгүй болдог. Харин өнөөг хүртэл модон хөлөг онгоц Арарат уулын

холбогдуулаад хэлэхэд, Эверестийн оргилын хамгийн өндөрлөг хэсгүүдийн давхаргуудад ч чулуужсан амьтад хийгээд усны тунадас бүхий давхаргууд бас байдаг билээ.

¹⁷³ A.R. Wallace, *Man's Place in the Universe*, McClure, Phillips & Co, New York, 1903, 225–226

оргилд цэвдэгийн мөсөнд хөлдүү орчинд хадгалагдсаар байна. Уг хөлөг онгоц нь бүдүүн гуалин модоор хийгдэж гадна, дотор талаас нь давирхайгаар бэхжүүлсэн байсан бөгөөд энэ нь хөлдүү орчинд оршиж байх орчныг бүрдүүлж байж болох юм. Хамгийн гол нь цэвдгийн мөсөнд хөлдүү орчинд байсан зүйл хэзээ ч салхинд элэгдэхгүй, өмхрөх, зэврэл үзэгдэл байдаггүй.

Уугуул нутгийн иргэд Арарат уулыг ер бусын далдын хүчтэй хэмээн сүсэглэж оргил өөд гарахыг эрт дээр үеэс хориглон, дархалсан гэдэг. Харин 1829 онд Францын уулчин Ж.Ф.Парро Араратын оргилд гарсанаар алдарт Ноагийн хөлөг онгоцны үлдэгдлийг олох, эрэл эхэлсэн гэж хэлж болно. 1856 онд гадаадын судлаач 3 хүн, армяны 2 хөтчийн хамт хөлөг онгоцны эрэлд гарсан ч тэд хэнд ч юу ч хэлэлгүй 10 гаруй жил болсон байна. Харин арваад жилийн дараа хөтчийн нэг нь нас барахынхаа өмнө гайхалтай нь бид хөлөг онгоцыг илрүүлсэн" гэжээ. Тэд хөлөг онгоцыг илрүүлсэн ч түүнийг үгүй хийхийг эрмэлзэж байсан ч тэр дэндүү том байсан учир олдворын талаар хэнд ч юу ч ярихгүй хэмээн хоорондоо тангарагласан байж.

Харин 1856 оноос эхлэн олон баг Арарат уулын оргилд гарсан бөгөөд оргилоос олдсон модны дээжээс бүгд өөр өөрийн оронд радио устөрөгчийн шинжилгээг хийсэн байна. Тэдний судалгаагаар уг хөгөг онгоцны мод нь 4000-5000 орчим жилийн настай гэж нотлогджээ. Мөн хөлөг онгоцыг дотор гадаргүй давирхайгаар бэхжүүлсэн нь өдий наслахад нь нөлөөлсөн байж болох юм. Баримтаас үзэхэд Библи сударт "Уг хөлөг онгоц 300 тохой урттай, 59 тохой өргөн, 30 тохой өндөр" гэж тэмдэглэсэн байна. Харин домогт аялагч Марко Поло 15-р зуунд Хятад орох замын тэмдэглэлдээ: "... Армян улсад өндөр уулын оргилд Ноев Ковчег хэмээх хөлөг онгоц нойрсож байх ба уул мөнх цастай, тэр хэзээ ч хайлахгүй, шинэ орсон цас цасан бүрхүүлийг зузааруулдаг тул хэн ч тийшээ очиж чаддаггүй. Уулын доод хэсгээс гол горхи урсан гарч хөндий хоолойг усаар хангаж, өтгөн ногоон бүрхүүл бий болж, зун цагт ногоон тэжээлт том жижиг амьтад тал бүрээс цугларна" хэмээн тэмдэглэжээ. Харин Дэлхийн 1-р дайны үеэр Оросын засгийн газраас Арарат уул руу хайгуулын тусгай анги илгээж, нарийн судалгаа шинжилгээ хийсэн нь уг "хөлөг онгоц"-ыг судлах албан ёсны анхны бөгөөд эцсийн эрэл хайгуул байсан хэмээн бүртгэгдсэн байдаг.

Дүгнэлт

Олон орны хууч домогт их үерийн тухай үлгэр байдаг бөгөөд тэр үер барагцаагаар 8000 жилийн өмнө болсон гэлцдэг. Үер хальж ертөнцийг бүрхэх үед, Ноа нэрт нэгэн хүн амьтан болгоноос нэг эр, нэг эмийг авч авдарт завь онгоцондоо аварч оруулаад гай гамшгаас зайлуулжээ. Иймэрхүү үерийн гай гамшгийн тухай үлгэр домог бас эртний Яшучуудын түүхэн найраглал Тиргамес"-т гардаг байна. Түүнээс гадна өмнөд, умард Америкийн индиануудын домог үлгэр, Сявейчүүд болон Хятадын уламжлалт үлгэр түүх ч байдаг байна.

Гайхалтай нь гэвэл эдгээр үлгэр домгын утга агуулга төсөөтэй болохоор мэргэжилтнүүд энэ бүхэнд дүрслэн өгүүлсэн зүйл нь нэг л удаагийн үер, харин тэр үер бүх дэлхийг бүтээсэн гэдгийг батлаж байна.

Энэ их үерийн тухай "Ариун Библид нилээд дэлгэрэнгүй тэмдэглэл байдаг. Энэ нь хэдийгээр шашны ном судар боловч, олон эрдэмтэн "Ариун библи"-д бичиж тэмдэглэсэн зүйлс нь хүн төрөлхтний түүхийн нэг хэсэг гэж үздэг би ч гэсэн энэ эрдэмтэдтэй санал нэгдэж байна.

XX зуунаас нааш, газар зүйч эрдэмтэд дараа дараагаар дэлхийн их тивүүдэд их үер болсны ул мөрийг эрж олжээ. 1922 онд Английн археологч эрдэмтэн Рундена Ури гүнтэн Месопотамийн цөлийн бүсэд археологийн малталт хийж эхлээд, Сүмэрийн эртний улсын Ур хотын туурийг нээж олсон бөгөөд тус хотын язгууртны удмын булшны нүхний дороос, Ури болон түүний туслахууд 2 метр гаруй гүнтэй цэвэрхэн наанги шорооны хуралдсан давхарга илрүүлжээ. Энэ үелсэн цэвэр

нааш шороо нь их үерээр хуримталсан шороонд хамаарах бөгөөд, энэ бүс нутагт нэг их үер болсон гэсэн баталгаа мөн.

Хятад -Туркийн хамтарсан судлаачид 2009 онд Арарат ууланд Ноагийн модон авдар байгаа баталсан байна. Тэгэхээр энэ нь ямар нэг ул үндэсгүй домог биш, үлгэр домгоор өнөөг хүрсэн хүн төрөлхтний түүхийн нэг хэсэг гэдэг нь батлагдсаар байна. Ноагийн хөвөгч авдар болон Их үер бол яах аргагүй хүн төрөлхтөний түүхэн дэх хамгийн алдартай үйл явдлын нэг билээ.

Abstract

Noah's ark and the great flood is one of the most momentous events in human history. People contemplate it as an ancient story and myth. Bible describes the creation of the world from the point of view of Creator God. In that way "Holy Bible" expounded in detailed account of Noah's ark and the flood. "Holy Bible" is religious canon, however many scholars consider the notes in Bible is a part of human history.

Ном зүй

1. Ариун Библи. Ариун бичээс Библийн Нийгэмлэг. УБ. 2004.,
2. Бялхам Амь Судлал Библи. Ариун бичээс Библийн Нийгэмлэг. УБ.2006.
3. Шинэ Гэрээний Хэрэглээний Тайлбар толь. Томас Хэйл. МТӨС.УБ. 2004
4. Библийн зурагт тайлбар толь. Давид Александр УБ.2004
5. Библийн Хураангуй толь бичиг Ж.Д.Дуглас, Меррилл С. Тенни. УБ.2004
6. Archer, Gleason L., Jr., Survey of the Old Testament, Moody Press, Chicago, 1978.
7. Geisler, Norman L., A Popular Survey of the Old Testament, Baker Book House, Grand Rapids, 1977.
8. Harris, R. Laird, Gleason L. Archer, Jr. and Bruce K. Waltke, Theological Word Book of the Old Testament, Moody Press, Chicago, 1980.
9. Wilkinson, Bruce and Kenneth Boa, Talk Thru the Old Testament, Vol. I, Thomas Nelson Publishers.
10. Монгол орчуулгын Библийн бүх ишлэлийг Ариун Библиэс авсан. Эрх нь Ариун Бичээс Библийн Нийгэмлэг© 2004.